

CYNGOR SIR YNYS MÔN

Cofnodion y Cyfarfod Blynyddol Cyntaf a gynhaliwyd ar 23 Mai 2017

PRESENNOL: Y Cynghorydd Robert G Parry OBE FRAGS (Cadeirydd)
Y Cynghorydd Richard Owain Jones (Is-Gadeirydd)

Y Cynghorwyr Lewis Davies, R Dew, John Griffith, Richard Griffiths, Glyn Haynes, K P Hughes, T. Ll Hughes MBE, Vaughan Hughes, Llinos Medi Huws, A M Jones, Carwyn Jones, Eric Wyn Jones, G O Jones, R Ll Jones, R. Meirion Jones, Alun W Mummery, Bryan Owen, Shaun James Redmond, Dylan Rees, Alun Roberts, Dafydd Roberts, J A Roberts, Margaret Murley Roberts, Nicola Roberts, P S Rogers, Dafydd Rhys Thomas, Ieuan Williams a Robin Williams

WRTH LAW: Prif Weithredwr,
Prif Weithredwr Cynorthwyol (Partneriaethau, Y Gymuned a Gwella Gwasanaethau),
Prif Weithredwr Cynorthwyol (Llywodraethiant a Thrawsnewid Prosesau Busnes),
Pennaeth Swyddogaeth (Adnoddau) / Swyddog Adran 151,
Pennaeth Swyddogaeth (Busnes y Cyngor) / Swyddog Monitro,
Pennaeth Gwasanaethau Democrataidd,
Swyddog Pwyllgor (MEH).

**HEFYD YN
BRESENNOL:** Neb

YMDDIHEURIADAU: Dim

1 CADEIRYDD

PENDERFYNWYD ethol y Cynghorydd Richard O Jones yn unfrydol fel Cadeirydd Cyngor Sir Ynys Môn am 2017/18.

Wrth dderbyn yr anrhydedd o gael ei benodi, sicraodd y Cynghorydd R O Jones y byddai'n ymdrechu i gyflawni ei ddyletswyddau fel Cadeirydd hyd eithaf ei allu. Diolchodd i'w ragflaenydd, y Cynghorydd Bob Parry OBE FRAGS am y ffordd anrhydeddus yr oedd wedi cyflawni ei ddyletswyddau dinesig fel Cadeirydd y Cyngor Sir.

Diolchodd y Cadeirydd ymadawol, y Cynghorydd Bob Parry OBE FRAgS, i'r holl Aelodau a Swyddogion am eu cymorth yn ystod ei gyfnod yn y swydd ac yn arbennig i'r Adran Gwasanaethau Democrataidd. Rhoddodd y Cynghorydd Parry grynodedd o uchafbwyntiau ei flwyddyn fel Cadeirydd y Cyngor Sir, gan gynnwys codi £3,100 yn ystod y Noson Elusennol a gynhaliwyd yng Ngwesty'r Breeze Hill, Benllech. Rhannwyd yr arian rhwng Ambiwlans Awyr Cymru a Cynnal Gofalwyr Ynys Môn.

2 IS-GADEIRYDD

PENDERFYNWYD ethol y Cynghorydd Dylan W. Rees yn Is-Gadeirydd y Cyngor Sir ar gyfer 2017/18.

Diolchodd y Cynghorydd Dylan W. Rees i'w gyd-Aelodau am yr anrhydedd a dywedodd ei fod yn edrych ymlaen at weithio gyda'r Cadeirydd a'i gynorthwyo gyda'i ddyletswyddau yn ystod y flwyddyn sydd i ddod.

3 CYHOEDDIADAU

Dim.

4 DATGANIADAU O DDIDDORDEB

Ni chafwyd yr un datganiad o ddiddordeb.

5 CYFLWYNIAD YMGEISYDD I GEFNOGI EI HENWEBIAD I FOD YN ARWEINYDD Y CYNGOR

Yn unol â Pharagraff 2.7.3.1 y Cyfansoddiad, wedi iddi anfon cyflwyniad ysgrifenedig (maniffesto) eisoes at y Prif Weithredwr cyn 5.00 pm, ar 11 Mai, 2017 (a gefnogwyd gan ddau Gynghorydd arall trwy ysgrifennu i'r perwyl at y Prif Weithredwr), cafwyd cyflwyniad llafar gan y Cynghorydd Llinos Medi Huws ar ei gwledigaeth a'i gwerthoedd.

6 PENODI ARWEINYDD Y CYNGOR SIR

PENDERFYNWYD yn unfrydol i ethol y Cynghorydd Llinos Medi Huws yn Arweinydd Cyngor Sir Ynys Môn am gyfnod o 5 mlynedd yn unol ag Erthygl 7 ac yn benodol y rheolau gweithdrefn o dan baragraffau 2.7.3.1 a 2.7.3.2 yng Nghyfansoddiad y Cyngor.

7 DIRPRWY ARWEINYDD Y CYNGOR

Dywedodd Arweinydd y Cyngor wrth y Cyngor ei bod wedi penodi'r Cynghorydd Ieuan Williams i wasanaethu fel Dirprwy Arweinydd. Dywedodd y Cynghorydd Williams na fyddai'n derbyn yr uwch gyflog ar gyfer y swydd.

8 CYDNABYDDIAETH ARIANNOL I'R AELODAU AM 2017/18

Cyflwynwyd, i'w ystyried, adroddiad y Pennaeth Gwasanaethau Democrataidd ar y Cynllun o Gydnabyddiaeth Ariannol ar gyfer Aelodau am 2017/18.

PENDERFYNWYD: -

- **Cadarnhau y dylai uwch gyflogau fod yn daladwy ar gyfer y 14 o swyddi canlynol yn ystod 2017/18:**

**Cadeirydd y Cyngor
Is-Gadeirydd y Cyngor
Arweinydd y Cyngor
Dirprwy Arweinydd y Cyngor
Aelodau eraill y Pwyllgor Gwaith (5)
Cadeiryddion y ddau Bwyllgor Sgriwtini
Cadeirydd y Pwyllgor Cynllunio a Gorchmynion
Cadeirydd y Pwyllgor Archwilio a Llywodraethu
Arweinydd yr Wrthblaid Fwyaf**

- **Cymeradwyo argymhelliad y Pwyllgor Gwasanaethau Democrataidd yn ei gyfarfod ar 29 Mawrth, 2017 mewn perthynas â thalu uwch gyflogau (fel yr amlinellir ym mharagraff 2.11) a chadarnhau lefel taliadau uwch gyflogau yn ystod 2017/18**
i :-

**Aelodau o'r Pwyllgor Gwaith
Cadeiryddion Pwyllgorau
Pennaeth Dinesig a Dirprwy Bennaeth Dinesig**

- **Nodi manylion eraill am daliadau a lwfansau ar gyfer 2017/18 fel y rhagnodir gan Banel Annibynnol Cymru ar Gydnabyddiaeth Ariannol fel yr amlinellwyd yr adroddiad.**

9 CADARNHAU PWYLLGORAU

Cadarnhaodd y Cadeirydd ailbenodi'r strwythur pwyllgorau fel y cyfeirir ato yn Adran 3.4 o Gyfansoddiad y Cyngor, ynghyd â'r canlynol: -

- Y Panel Tâl a Graddfeydd (is-bwyllgor o'r Cyngor Sir)
- Y Panel Penodi i'r Pwyllgor Safonau
- Y Cyngor Ymgynghorol Sefydlog ar Addysg Grefyddol
- Y Cyd-Bwyllgor Anghenion Addysgol Arbennig
- Is-Bwyllgor Indemniadau

Daeth y cyfarfod i ben am 2.45 pm

Y CYNGHORYDD RICHARD O. JONES
CADEIRYDD